

Flam just, we wan en iij heer mää-ge. datj is da kroo-le fer-
 dri-we! Da kroo-le soon ier-tids we wan fer-jää-ge.
 We wan da kroo-le fer-dri-we! Ud... l-dri-we! Di
 wun-ter we lää-ke iit deer-bai, wan't ouers uk hooj much
 as. Flam fer-dri-we lo-x we ai; di
 wur kamt sää-ker an was.



(koor): Kam jur't, we wan en iilj heer määge.
Lätj üs da troole ferdrive!
(koor): Da troole foon iirtids we wan ferjääge.
We wan da troole ferdrive!
(koor): Ut önj e nächt da troole we siinje.
Lätj üs da troole ferdrive!
(koor): En biiken sü hül as e däi wan we tiinje.
We wan da troole ferdrive!

Di wunter we lääke üt deerbai,
wan't ouers uk kölj nuch as.
Ham ferdrive, dät töre we ai,
di uurs kamt sääker än was.

Hu jeeft et ma hiinjen löke, (koor)
troole, wat önj maning hoode spöke. (koor)
Sam foon da troole üs wismääge wan, (koor)
dät frasche än frasch foon maner wjart san. (koor)
Maning ä'l heet'r di spräke ferdörwen, (koor)
wat iirtids wus läämti, nü as et störwen. (koor)

Önjt hood foon da älerne hi fääst ham seet,
önjt hood foon da schöljmäistre uk,
dät hi jam da bjarne fersweege leet,
wat for jam seelew wus gödj än smuk.

En oudern trool, hääst ham uk drääwed? (koor)
Hi heet ä'l lung önj Fraschlönj' trääwed. (koor)
Dät's ham, wat uler heewe koon, (koor)
dät frasche stönje moon bai moon. (koor)
Unsächt schan's weese am dit än dät, (koor)
jüst as följik sät am hün än kät. (koor)

Dideere trool as tooch än säich,
kánt ninte foon luuwe än trou.
Hi draft sin spal bai huuch än läich,
kamt uler än uler tu rou.

Än nuch en trool gungt döör üüslönje, (koor)
määget foole önjstööge ma sin hönje. (koor)
Hi gungt döör da toorpe, raft tääge dil, (koor)
namt bläk önjstää, en gröilik bil. (koor)
dröögt üt e mjarsch, schakt wäch da storke, (koor)
greet buume üt ma glou än forke. (koor)

Hi kamt aw e gääst, wal da wäle ai siinj,
bäget stroote döört hoolting üt tjääre.
Ut toorpstroote raft'r arken stiinj,
wal ninte, wat smuk as bewääre.

(koor): Kaame ja änkeltwis unti bai bunke,
we wan da troole ferdrive!
(koor): We drive jam wäch än üt önj e junke.
Frasch wan ve weese än bliwe!